

ԱԹԱԲԵԿ ԽՆԿՈՅԱՆ

Պոեմներ,  
առակներ,  
հեքիաթներ

aegitas

Աթաբեկ Խնկոյան

**Պոեմներ, առակներ, հեքիաթներ**

«Aegitas»

## **Խնկոյան Ա.**

Պոեմներ, առակներ, հեքիաթներ / Ա. Խնկոյան — «Aegitas»,

Խնկո Ապերը գվարթ ու կատակասեր էր, սիրում էր հանպատրաստից ստեղծագործել: Բնավորության այդ գծերը դրսևորվել են նրա առակներում, որտեղ ծաղրել է մեծամտությունը, ժլատությունը, ագահությունը, դատարկ ճառասացությունը, փառամոլությունը, շողոքորթությունը եւ մարդկային այլ արատներ: Ճանաչված են նաեւ «Մեղուն», «Լուսինը», «Բկլիկ ձկնիկը», «Կարմիր գարունը», «Ճանճը», «Գիրք», «Փիսիկ», «Խոզի այծերը», «Սերոբը» գործերը: Նրա առակներն ու ոտանավորները, փոխադրությունները («Մկների ժողովը», «Գայլն ու գառը», «Ճպտուն ու մրջյունը», «Խոզն ու ագռավը») սիրելի են եւ՛ մեծերին, եւ՛ փոքրերին: Չափածո գրվածքներից են՝ «Աղվեսն ու արջը», «Տորնատերն ու ջաղացպանը», «Գյուղացին ու արջը» եւ այլն, արձակներից են՝ «Խուլի այծերը», «Իմ բալիկը» «Գալոյի աղվեսը» եւ այլն: Հայ գրականության մեջ բազմաթիվ են նրա մեկը մյուսից ավելի սուր խայթող ու խորհմաստ առակները:

## Содержание

ԵՍ	5
ԽԽՈՒՆԶՆ ՈՒ ՍՈՒՆԿԸ	6
ՀՊԱՐՏ ԱՔԼՈՐԸ	7
ԿԱՉԱՂԱԿԸ	8
ՍԵՐՈՔԸ	9
ԸՆԿՈՒՅԶՆ ՈՒ ՈՐԴԸ	10
ԳԱՅԼԻ ԽՈՍՏՈՎԱՆՔԸ	11
ՓՇԻ ԳԵՐԵԶՄԱՆԸ	12
ԼԵԳԵՆԴՆԵՐ ԵՎ. ԱՎԱՆԴՈՒԹՅՈՒՆՆԵՐ	13
ԲԱՆԱՍՏԵՂԾԻ ՎԱՐԴԵՐԸ	13
ԻՆՉԻՑ Է, ՈՐ ԽԵՑԻՔԸ ԱՂՄԿՈՒՄ ԵՆ	16
ԿՐԻԱՆ	18
ԱՐԾՎԻ ԺԱՅՈՒԸ	19
ՀՈՂԱԾԻՆԸ	24
ՀԵՔԻԱԹՆԵՐ	30
ԽՈՒԼԻ ԱՅԾԵՐԸ	30
ԿԱՏՈՒՆ, ԱՔԼՈՐՆ ՈՒ ԱՂՎԵՍԸ	31
Конец ознакомительного фрагмента.	32

# Աթաբեկ Խնկոյան Պոեմներ, առակներ, հեքիաթներ

## ԵՍ

Ագռավը բռնեց մի խեցգետին և նստեց ծառին:

Խեցգետինն ուզեց ազատվի, կտցիցը գատվի ու ասավ նրան.

( Ոսկեհատիկ, ագռավ տատիկ, ո՞վ է մեզնից կեղտոտը:

Ագռավը սեղմեց կտուցը և կռաց.

( Դ՛ո՛ւ...)

( Ոսկեհատիկ, ագռավ տատիկ, ո՞վ է մեզնից նախշունը:

Ագռավը քացեց կտուցը և կռաց.

( Ե՛ս...)

Կտուցը բաց անելուն պես խեցգետինը կտցից ընկավջուրը և իրեն ազատեց:

## ԽԽՈՒՆՋՆ ՈՒ ՍՈՒՆԿԸ

Նստել է խխունջը սունկի վրա, բարկանում է, նեղանում ու անցնողին նախատում:

(Էս ի՛նչ է թռչկոտում ճպրոտ ճպրուղ, ասես չի կարող ինձ նման ծանր ու մեծ նստի: Թիթեռները թրթռում են, թռչնակները ծռվվրում, խխունջը նորից կատաղում է.

– Մրանք ի՛նչ են թռչում, թռչկոտում, ի՛նչ են երգում, էլ ուրիշ գործ չունե՞ն: Ա՛յ, ուրիշ բան են ես, ոչ թռչկոտում են, ոչ երգում: Թռչե՞լս որն է, երգե՞լս որը:

– Է՛ք ուրիկ խխունջ, – հառաչում է սունկը, – գիտե՞ս ինչու ենք լուռումունջ մնացել էստեղ. ոչ թռչել գիտենք և ոչ էլ երգել:

## ՀՊԱՐՏ ԱՔԼՈՐԸ

Աքլորը թռավ ընկավ հարևանի բակը: Ճղղաց, ճղղաց, բակի արլորին կտցեց, կտցահարեց, բաղերին դուրս արեց, հավերին մի տեղ հավաքեց ու հետո հարձակվեց փոքրիկ շան վրա:

Բակն իրար անցավ: Աքլորը կանգնեց ու հպարտ-հպարտ կանչեց.

– Ծողորուղո՛ւ, դուք ո՞վ եք, չասեք թե դուք խմբով եք, ես մեն-մենակ. բոլորիդ՝ հավիդ՝ բաղիդ, արլորիդ, ինչ ուզենամ, էն կանեմ, շանն էլ բակից կհանեմ:

Հարսը լսեց բակի աղմուկը, վազեց բռնեց արլորին, դուրս շարտեց բակից ու ասավ.

( Կորի՛, գնա՛, անպիտան, քեզպեսին էլ երես տա՞ն, բավական չէ բակումն է, ուրիշին էլ թակում է:

## ԿԱՉԱՂԱԿԸ

Չալ կաչաղակը թռչում էր, թռչում ու ծառին նստում: Նստում էր, նստում, պոչիկն էր շարժում: Շարժում էր, շարժում ու երգեր ասում.

(Կա, չէ, կա, չկա, չէ:

Նորից թռչում էր, թռչում էր, թռչում ու ծառին նստում. նստում էր, նստում, պոչիկն էր շարժում ու երգեր ասում.

(Կա, չէ, կա, չկա, չէ:

Նորից թռչում էր, թռչում էր, թռչում ու ծառին նստում: Ծառին էր նստում, պոչիկն էր շարժում, պոչիկն էր շարժում ու երգ էր ասում.

( Չկա, չէ, չէ...

## ՄԵՐՈՒՔ

- Մերո՛ք, – ասում է հայրը, – գնա հարևանից արշինը բեր, կտավը չափենք:
- Է՛, բան չունես, հայրիկ, ի՞նչ նեղություն տանք հարևանին, ես գիտեմ, որ մեր կատուն պոչից մինչև ականջի ծայրը մի արշին է: Էլ արշինն ի՞նչ կանենք:
- Մերո՛ք, Մերո՛ք, – ասում է հայրը, – ապրես, գնա հարևանից գրվանքանոցը բեր, պանիր կշռենք:
- Է՛, բան չունես, հայրի՛կ, ա՛յ, մեր սատկած էջի սմբակը մի գրվանքա է:
- Մերո՛ք, Մերո՛ք, դու ինձանից թեթև ես, մի դուրս վազի տես եղանակն ինչպես է:
- Է՛, հայրիկ, էլ ի՞նչ գնամ, կուզես մեր շանը կանչեմ, թե մագերը չոր են, հո եղանակը պարզ է:
- Մերո՛ք, Մերո՛ք, – շունչը կտրած ասում է հայրը, – հացը բկիս կանգնեց, ջո՛ր, ջո՛ր, ջ՛որ...
- Է՛, հայրիկ, – ասում է Մերոբը, – դու էլ ինչ դժվար բան կա, ինձ ես ասում...

## ԸՆԿՈՒՅԶՆ ՈՒ ՈՐԴԸ

Այգում կային գանազան պտղատու ծառեր՝ ընկուզենի, տանձենի, խնձորենի, թզենի: Ընկուզենու կանաչ ճյուղերից կախվել էր փոքրիկ ընկույզը ու օրորվում էր: Մոտեցավ նրան ծերունի որդն ու ասավ.

(Միրուն ընկուզիկ, թող բունդ մտնեն, քիչ հանգստանամ, ապրենք միասին: Դու դեռ փոքր ես, քեզ կօրորեն, հեքիաթներ կասեն ու քեզ կուրախացնեն:

(Մի թողնի այդ թափառականին քո տունը: Ո՞վ գիտե դրա տունն ու բունը, վարքն ու բարքը, – ասացին փոքրիկ ընկույզին նրա եղբայրները:

– Այդ ձեր բանը չի, ի՞նչ եք խոսում իզուր տեղը. ես ինձ համար, դուք՝ ձեզ համար, – պատասխանեց ընկուզիկը և հյուր ընդունեց ծերունի որդին:

Ագահ և չարամիտ որդը ծակեց ընկույզի կեղևը, ներս մտավ, միջուկը կերավ, դատարկեց, նստեց ու երգեց.

– Մի նոր ընկույզ ես գտա,  
Ծակեցի ու ներս մտա,  
Կերա, կերա կշտացա,  
Դատարկ մնաց՝ վշտացա:

Այդպես երգում և ծափ էր տալիս ավազակ որդը դատարկ կեղևի մեջ: Ծափ էր տալիս ու ասում.

– Դուրս գամ ծառը չափչփեն.  
Տեսնես ում կխաբխբեն,  
Ինձ որդ կասեն, ծերուկ որդ,  
Լեզուս քաղցր, շողոքորթ:

Փոքրիկ, անփորձ ընկույզը գոհ էր գնացել չար, ավազակ որդին... Քամին էր միայն մեջը վզվզում, իսկ հարևանները նայում էին նրան ու ափսոսում:

## ԳԱՅԼԻ ԽՈՍՏՈՎԱՆՔԸ

Գայլի մահը մոտեցել էր: Նա մեռնում էր, դրա համար էլ սկսեց իր մեղքերը մեկ-մեկ խոստովանել... Բայց ընդամենը երեք ժամ էր մնացել, որ հոգին տար, իսկ մեղքերն այնքան շատ էին, որ երեք օրն էլ բավական չէր լինի բոլորը խոստովանելու համար:

Գայլը տեսնում է, որ հնար չկա, սկսում է իր արած լավությունները մեկ-մեկ հաշվել:

– Մի անգամ, – ասում է նա, – մի գառ անցավ մոտովս, իսկ ես թեև շատ քաղցած էի, բայց ձեռք չտվի նրան: Հիշում եմ, թե ինչպես այդ ժամանակ մի ոչխար հեռվում կանգնած՝ ծիծաղում էր ինձ վրա, որ ես գառանը մաս-մաս չարի: Բայց չնայելով ոչխարի ծաղրին, ես թողի գառանը, որ ողջ-ստողջ անցնի իմ մոտովը:

Էս մեկ... մեկ էլ..

– Հիշում եմ, ա՛յ գայլ, – ձայն տվեց ոգնին, որ կանգնած էր գայլից քիչ հեռու, – այդ բանն այն ժամանակ պատահեց, երբ դու երկու թաթով թակարդն էիր ընկել և չէիր կարողանում տեղիցդ շարժվել:

## ՓՇԻ ԳԵՐԵԶՄԱՆԸ

Կառ փուշը գլուխը տնկած, փշերը փռած, փշերը սրած, ուռած ու փքված ինքն իրեն ասում էր.

– Ես այս դաշտի իշխանն եմ, ո՞վ կհամարձակվի ինձ ձեռք տալ: Ես քանի-քանի քիթ եմ ծակել քանի կովի, եզան ու գոմեշի լեզու կծել: Քանիսի ձեռքից, քանիսի ոտքից արյուն եմ հանել:

Ճիշտ որ, եթե ես իմ քաջությունները համրելու լինեմ, քաջերի քաջն եմ, խաների խանն եմ: Իսկ ինչ կանեմ սրանից հետո, էն էլ ես գիտեմ: Ես վճռել եմ ով մոտիցս անցնի՝

Քաշեմ, մաշեմ, աղեմ, դաղեմ,  
Լեզվի միջին փուշս թաղեմ,  
Թո՛ղ թրթռան, թո՛ղ մրմռան,  
Ես ծիծաղեմ, ես հռհռամ:

Երբ կովերն անցնում էին կառ փշի մոտով, խեթ-խեթ նայում էին նրան ու միմյանց զգուշացնում.

– Չնոտենաս էս հպարտին, կծել գիտե, կծան է, չես կարող դու բերանդ առնել, ոչ տրորել, ոչ ծամել...

Ոչխարներն ասում էին.

– Բուրդներս կքաշի, թող կորչի էս կառը, գլուխը մեծ քարը:

Խոզն ասում էր.

– Արմատդ կքանդեի, քեզ կհանեի, բայց չարժե, որ դունչըս կեղտոտեմ: Գնա կորի, ո՞վ պետք է փորի:

Բայց կառ փուշը գլուխը տնկած՝ իր երզն էր երգում.

Քաշեմ, մաշեմ, աղեմ, դաղեմ,  
Լեզվի միջին փուշս թաղեմ,  
Թող թրթռան, թող մրմռան,  
Ես ծիծաղեմ, ես հռհռամ:

Ու մեկ էլ եկավ էշը, վիզը երկարացրեց, ըռխեց փշի ցից գլուխը, լամեց-լամվեց, ծամեց-ծամծմեց, կուլ տվեց ու ասավ.

( Փշի գերեզմանը էշի փորն է:

## ԼԵԳԵՆԴՆԵՐ ԵՎ. ԱՎԱՆԴՈՒԹՅՈՒՆՆԵՐ

### ԲԱՆԱՍՏԵՂԾԻ ՎԱՐԴԵՐԸ

Վեց հարյուր տարի սրանից առաջ Պարսկաստանի բանաստեղծ շաֆիզի փառքը դորդացնում էր ամբողջ Ասիան: Չահել թե ահել, հարուստ թե աղքատ՝ բոլորը հիացած էին նրա բանաստեղծություններով: Մինչև անգամ աշխարհի կեսը նվաճող Լանկթամուրը հավանել էր շաֆիզին: Նա ժամանակ առ ժամանակ ասել էր տալիս շաֆիզի բանաստեղծություններից և մի անգամ, ինչպես պատմում են, ասաց.

– Ես շատ կուզեի տեսնել այդ շաֆիզին:

Այդ խոսքերն ամենամեծ գովասանքն էին համարվում շաֆիզի համար, որովհետև նրանց արտասանողն էր Լանկթամուրը, որ իր անցած ճանապարհը կրակի պես այրել խանձել էր, ամեն տեղ մահ էր սփռել, ամեն ինչ ոչնչացրել, ավերակ էր դարձրել: Մակայն շաֆիզին չէր հպարտացնում իր փառքը: Նա ապրում էր մի փոքրիկ տան մեջ Պարսկաստանի Շիրազ քաղաքում, որ կոչվում էր Պարսկաստանի վարդ, որովհետև, ինչպես որ վարդը բոլոր ծաղիկներից գեղեցիկ է, այնպես էլ Շիրազը Պարսկաստանի քաղաքներից ամենալավն էր: Բանաստեղծի բնակարանը շատ փոքր էր, ուներ միայն երկու լուսամուտ և մի փոքրիկ դուռ: Մենյակում կային երկու բազկաթոռ և մի սեղան: Շաֆիզը զարդարանք չէր սիրում: Տան արևելյան պատի երկարությամբ վարդի թփեր կային տնկած, որոնք ամբողջ տարին վարդեր էին տալիս:

Շաֆիզն ինքն էր խնամում այդ վարդերը, անվանելով նրանց իր միակ ուրախությունը և հարստությունը:

Մի անգամ լուսաբացին, երբ թռչունները նոր էին, սկսել երգել, շաֆիզը վեր կացավ անկողնից, որպեսզի գիշերվա մտածած բանաստեղծությունը գրի առնի, հանկարծ պատի հետևից լսեց ոտների ձայն. լուսամտից նայեց և տեսավ, որ մի աղջիկ քաղում է իր վարդերը: Աղջիկը աղքատ էր հագնված, բայց ծածկոցի տակից երևում էր մի գեղեցիկ դեմք՝ կենդանի և արտահայտիչ աչքերով:

Աղջիկը հագիվ լինե՞ր տասը-տասներկու տարեկան: Նա շտապով վարդերից մի փունջ կապեց և թողեց-փախավ: Շաֆիզի զարմանքին և բարկությանը սահման չկար: Բայց ոչինչ չէր կարելի անել. աղջիկը արդեն ծածկվել էր աչքից: Շաֆիզը վեր առավ մագաղաթը, որպեսզի բանաստեղծություն գրե, սակայն բարկության ժամանակ մոռացել էր այն: Մի քանի րոպե նա նստեց՝ սպասելով ոգևորության և ահա թե ինչ գրեց.

«Թո՛ղ վարդը իր թփին: Եթե քաղվի՝ նա կմեռնի, և դու չես տեսնի նրա գեղեցկությունը և հոտը չես առնի: Թո՛ղ վարդը իր թփին: Մի՞թե դու չես կարող չքաղած հիանալ նրանով: Թո՛ղ վարդը իր թփին: Եթե չքաղես նրան, քեզ համար կասեն՝ դու իմաստուն ես, դու գթությամբ լցված ես. իսկ եթե քաղես, կասեն, որ քո ձեռքերը վայրագ են, քո սիրտը անողորմ: Թո՛ղ վարդը իր թփին»:

Մյուս առավոտ շաֆիզը դարձյալ սպասում էր աղջկան, և նա իրեն սպասեցնել չտվեց. եկավ, ինչպես երեկ, լցրեց իր գամբյուղը վարդով և իսկույն հեռացավ: Շաֆիզը վեր առավ իր գավազանը և հետևեց աղջկան: Մի քանի փողոց անցնելուց հետո նրանք երկուսով դուրս եկան մի հրապարակ, որտեղ և շուկան էր: Այստեղ խոնվել էր շատ ժողովուրդ: Աղջիկը նոտենալով մի լավ հագնված կնոջ՝ առաջարկեց մի փունջ վարդ: «Գնեցեք այս վարդերը, սրանք ձեզ պես գեղեցիկ են»: Կինը վերցրեց փունջը և գնից հինգ անգամ ավելի վճարեց:

«Տեսնենք այս փոքրիկ գողը փողերն ի՞նչ է անելու», – ասաց իր մտքում շաֆիզը:

Աղջիկը մտավ մի վաճառականի խանութ և այնտեղից միքանի արշին կտոր առավ: «Հա, սա պճնվել է սիրում», – փնթփնթաց ծեր բանաստեղծը: Իսկ աղջիկը մտել էր արդեն մի ուրիշ խանութ, որտեղ միայն ուտելիքներ էին ծախում: «Ո՛չ, սա բկլիկի մեկն է», – մտածեց շաֆիզը:

Աղջիկը Գնեց մի քանի լավաշ, մի տապակած աղավնի և շտապով դուրս եկավ շուկայից: Դուրս գալով շուկայից, մտավ մի մութ ծուռուժուռ փողոց և կանգնելով մի ողորմելի կիսավեր տնակի առաջ՝ դուռը բանալ տվեց և ներս գնաց: Պատի ճեղքից բանաստեղծը տեսավ մի տխուր տեսարան: Անկյունում, խոտի վրա նստեք էր մի պառավ կին: Նրա շորի կարկատանները կարծես թափվում էին վրայից: Հաֆիզը տեսավ, որ այդտեղ թշվառության և վշտի բնակարան է: Աղջիկը նստեց պառավի մոտ:

– Ես քեզ համար հաց և միս եմ բերել, – ասաց ցածր ձայնով աղջիկը, – կե՛ր, կագոտրվիր. ապա հանիր վրայիցդ քո հին շորերը, ես քեզ համար նորն եմ բերել:

Աղջիկը տանից դուրս եկավ թե չէ, Հաֆիզը նրան կանգնեցրեց և քաղցրությամբ հարցրեց.

– Անունդ ի՞նչ է, փոքրիկ:

( Դոնիա:

– Այդ քո մա՛յրն է:

( Ոչ:

– Քո տա՛տն է:

– Ոչ, ես այդ պառավին երեք օր է, որ ճանաչում եմ. Ես այսքանը գիտեմ, որ նա հիվանդ է և քաղցածությունից համարյա թե մեռնում է. ահա երկու օր է, որ ես նրան օգնում եմ:

– Դու ի՞նքդ էլ ես աղքատ:

– Ես ոչինչ չունեմ, ազգական մինչև անգամ չունեմ. ես ծառայում եմ մի պարսնագործի մոտ:

– Բայց դու աղքատներին օգնելու փող որտեղից ես ճարում:

Աղջիկը շփոթվեց և կարմրեց:

– Ինձ համար շատ անհարմար է այդ մասին խոսելը. ես վարդ գողացա և ծախեցի: Ես շատ լավ գիտեմ, որ գողությունը լավ բան չէ, բայց ուզում էի անպատճառ օգնել թշվառ պառավին: Շատ կարելի է, որ իմ գողացած ծաղիկների տերը ինձ ներե:

– Այդ ծաղիկները իմս են, – ասաց Հաֆիզը:

Դոնիան վախեցած ուզում էր փախչել, բայց Հաֆիզը նրան պահեց: Նա ասաց աղջկան, որ ներում է նրան և ձեռքից բռնելով բերեց իր տուն: Բանաստեղծը որդեգրեց փոքրիկ Դոնիային: Նրանք միասին ապրեցին մի տան մեջ: Բանաստեղծը կարդում էր իր բանաստեղծությունները, իսկ Դոնիան ազահուությամբ լսում էր և բոլորը շուտով բերանացի սովորեց:

Հանկարծ մի սարսափելի լուր տարածվեց Պարսկաստանում: Դաժան Լանկթամարը մեծաքանակ զորքով գալիս էր Շիրազի վրա, և գեղեցիկ քաղաքին սպասում էր դառը վիճակ: Դիմադրել ոչ ոքի մտքից չէր անցնում: Շիրազեցիք մահվան էին պատրաստվում: Լանկթամարը եկավ և կանգ առավ քաղաքի պարիսպների տակ: Բոլոր քաղաքացիք դիմավորելու դուրս եկան, որպեսզի փրկություն խնդրեն: Մի կողմում կանգնել էին թաթարական մեծաքանակ զորախմբերը, իսկ մյուս կողմում՝ շիրազեցիք:

Նրանց առաջին, իր ձիու վրա, հպարտ նստել էր Լանկթամուրը: Առաջ եկան անվանի քաղաքացիք և խնդրեցին Լանկթամուրին՝ խնայել քաղաքը, հարկ վերցնել, ինչքան իր ցանկությունն է: Լանկթամուրը բարկությամբ խփեց իր սուրը քարին, որ ընկած էր ձիու ոտների առաջ և ասաց.

– Ինչպես այս քարը՝ ես խուլ եմ դեպի ձեր խնդրիքը, – և դառնալով դեպի զորքը, ուզում էր քաղաքը քանդելու հրաման արձակել: Հենց այդ ընթացքին Դոնիան շնչաց Հաֆիզին.

– Հայրի՛կ, աղաչիր սրան, գուցե մեղմանա:

Հաֆիզը և աղջիկը առաջ եկան:

– Ով է այդ ծերունին, – ահեղաբար հարցրեց Լանկթամուրը:

– Այդ Հաֆիզն է, – պատասխանեց Դոնիան:

Լանկթամուրի դեմքը մեղմացավ: Նրա աչքերն այնպես սպառնալի չէին: Տիրեց մի ընդհանրապես ծանր լռություն: Վերջապես Լանկթամուրն ասաց.

– Հաֆի՛գ, ես վաղուց էի ուզում քեզ տեսնել: Ամբողջ աշխարհում ես և դու ենք մեծ. դու քո բանաստեղծություններով, ես իմ հաղթություններով: Մի բան կարդա ինձ համար:

Այլալվա՞ծ բանաստեղծը չէր իմանում ինչ ընտրեր: Այդ ժամանակ Դոնիան շնչաց.

– Թող վարդը իր թփին...

Հաֆիգը հասկացավ աղջկա միտքը, արհացավ և սկսեց.

«Թող վարդը իր թփին: Եթե քաղվի՝ նա կմեռնի, և դու չես տեսնի նրա գեղեցկությունը և հոտը չես առնի: Թո՛ղ վարդը իր թփին: Մի՞թե դու չես կարող չքաղած հիանալ նրանով: Թո՛ղ վարդը իր թփին: Եթե չքաղես՝ քեզ համար կասեն, որ դու իմաստուն ես, դու ողորմած ես: Բայց եթե քաղես՝ կասեն, որ քո ձեռները վայրագ են և քո սիրտը անողորմ: Թո՛ղ վարդը իր թփին»:

Բանաստեղծը լռեց...

– Քո բանաստեղծությունը ինձ դուր է գալիս, Հաֆիգ, – ասաց Լանկթամուրը: – Բայց քո խորհուրդը ինձ համար չէ, ես նրանցից չեմ, որոնք բավականության համար են վարդ քաղում:

Հաֆիգը բարձրացրեց ձեռքը և ցույց տալով դեպի Շիրագը, ասաց.

– Հիշի՛ր, հաղթո՛ղդ, որ այս քաղաքը Պարսկաստանի վարդն է:

Լանկթամուրը շրթունքները կծեց, նա սկզբում գրգռված էր երևում, բայց մի քիչ մտածելուց հետո ձայն տվեց իր գորքին, – Մնացե՛ք այստեղ, գիշերեցե՛ք քաղաքի պատերի տակ:

Չորքը քաղաք չմտավ:

Լանկթամուրը միայն ինքը մտավ քաղաք և քաղաքն առավ իր հպատակության տակ:

Շիրագը մնաց անվնաս:

## ԻՆՉԻՑ Է, ՈՐ ԽԵՑԻՔԸ ԱՂՄԿՈՒՄ ԵՆ

Ծովային արքան՝ հզոր Նեպտունը  
Ծովի հատակում ունի իր տունը:  
Ողջը բյուրեղյա, ճոխ այգիները  
Գրկել են նրա շեն պալատները.  
Շեն պալատները ճոխ են և հարուստ:  
Պատերը խեցի, նախշերը գուտ բուստ,  
Մարգարիտները երկար հյուսերով  
Ներսից կախված են պես-պես ձևերով,  
Փայլուն ձկները՝ պահապան դռան,  
Գիշեր ու ցերեկ հսկում են վրան:  
Ծովի իշխողին անթիվ աղջիկներ՝  
Գողտրիկ, նագելի հավերժահարսներ  
Եվ ծառայում են, և զբաղեցնում,  
Հագար տեսակի երգում ու պարում.  
Արքայի աչքից ոչինչ չի փախչում,  
Նա հանգիստ չունի և չի էլ ննջում.  
Նա հետևում է ձկների լողին,  
Եվ հրեշների այլանդակ խաղին.  
Նաև տեսնում է, ինչպես հավքերը  
Ջրի մեջ փռած ջարդված թևերը  
Գոռ ալիքների կամ քամու ձեռից  
Իջնում են անդունդ ծովի երեսից:  
Երբեմն էլ արքան հեծնում է իր ձին՝  
Ճեպընթաց ձուկը, ծովային Դեյֆին,  
Գնում շրջելու իր տերությունը,  
Տեսնել ու զգալ իր մեծությունը:  
Այս մի անգամը արքան դուրս գնաց  
Եվ մի երկու օր ուրիշ տեղ մնաց.  
Մի չքնաղ աղջիկ մոտեցավ պատին,  
Այնտեղից պոկեց գույնգգույն խեցին.  
Կապեց նագերից, իրեն զարդարեց,  
Շատ ուրախացավ, շատ երգեց, պարեց:  
Հզոր Նեպտունը տուն վերադարձավ  
Տեսավ կորուստը և շատ բարկացավ.  
– Ո՞վ է գողացել թանկագին խեցիս,  
Ամբողջ աշխարհում միակ սիրելիս.  
Թող կորչի գողն այս իմ տերությունից,  
Աչքիս՝ չերևա հենց այսօրվանից:  
– Այդ ես եմ վերցրեք քո խեցին, արքա  
Մի՞թե իմ մեղքին թողություն չկա,  
Չգիտությամբ եմ արել սխալը,  
Ինձ խիստ գրավեց այն խեցու փայլը.  
Ների՛ր ինձ, արքա, ինձ մի արքորիք,  
Մի հանիր ծովից, գահիդ մոտ պահիր:  
Հավերժահարսը խնդրում էր լալիս,

Արքայի խեցին իրեն էր տալիս,  
Նեպտունը տեսավ անկեղծ գոջունը  
Եվ մինչև անգամ խղճաց մտքունը,  
Սակայն չլսեց թշվառ աղջկան.  
Միայն թե խեցին պարզեց նրան:  
Հավերժահարսը նորից աղաչեց.  
Ընկավ ոտները, ծնկները պաչեց.  
– Օ՛, հզոր արքա՛, կարոտից, վշտից.  
Անշուշտ կմեռնեմ, երբ գրկվեմ ծովից,  
Ծովի շաշունը, ծովի ծփանքը  
Կազմել են կյանքիս քաղցր պատրանքը:  
Օրոր են ասել ինձ օրորոցում,  
Ու քուն են դրել ջրերի ծոցում.  
Հիմա եթե դու ինձ չես խնայում,  
Քեզանից միայն ես այս եմ խնդրում.  
Ծովի շաշունը տուր ինձ հիշատակ,  
Որ շոյե հոգիս ամեն ժամանակ,  
Ուր էլ որ գնամ, որտեղ էլ լինեմ,  
Իմ սիրած ծովի կարոտս առնեմ:

– Լավ, – ասաց արքան, – տուր ինձ այդ խեցին.

Խեցին վեր առավ, դրեց բերանին.  
– Ծովի ծփանքը, ծովի շաշունը  
չենց այսօրվանից պահպանիր քո մեջ.  
Բոլոր խեցիքը թող այդպես անեն,  
Եթե ցամաքի վրա պատահեն.  
Խեցիի անցքից փչեց Նեպտունը,  
Լցնելով մեջը ծովի շաշունը:  
Ապա ետ տվեց խեցին աղջկան  
Ու հրամայեց արքորել նրան:  
Ընկերուհիներն արտաքսված կույսին  
Տարան ու թողին ծովի երեսին.  
Գոռ ալիքները գնացին-եկան  
Հավերժահարսի ետևից ընկան.  
Թե որտե՞ղ մնաց այնուհետև նա,  
Այդ մինչև այսօր գաղտնիք կմնա:  
Բայց դատարկ խեցին, որտեղ էլ լինի  
Մարդ որ վեր առնի, ականջին դնի,  
Անշուշտ կլսե ծովի շառաշուն,  
Գոռ ալիքների աղմուկ ու գոշուն:

## ԿՐԻԱՆ

– Գիտե՞ս այնպես մի կենդանի,  
Որ իր տունը մեջքին տանի:  
– Գիտեմ, այո՛, դա կրիան է:  
– Թե որ գիտես, էդ ի՞նչ բան է:  
Իսկույն ասեմ, դու իմացի:  
Կրիան ուներ մի դրացի,  
Խիստ շատախոս ու կովարար,  
Խեղճ կրիային շան օր կըտար:  
Մի օր կրիան ճարահատած  
Հայր Աստըծուն գանգատ գնաց:  
Ասավ. «Մեռնեմ, հա՛յր, քո աչքին,  
Իմ տունը դիր էս իմ մեջքին,  
Որ ինձ իսկի մոտիկ ու կից  
Էլ չունենամ ես վատ դրկից,  
Որ ամեն օր քանի-քանի  
Ուշունցներով հոգիս հանիս»:  
Հայր Աստվածն էլ ասավ. – «Բարի  
Տունդ մեջքիդ միշտ ման արի»:

## ԱՐԾՎԻ ԺԱՅՈՒՆ

Կովկասյան ավանդություն

Ասես երկնքից կախված է ժայռը,  
տակը մութ-մութ մի անտակ անդունդ,  
ծխում է այնտեղ մութ ու մառախուղ,  
հեղեղն է կրծում քար ու քարափներ,  
շաշում, շառաշում, թշշում ու վշշում,  
արձագանքում են այրեր, խոռոչներ:  
Կախված է այդպես ժայռը դարերով,  
ամպին հարևան, ամպերի միջին.  
շուրջը անապատ, շուրջը դիք ժայռեր,  
մարդու հոտ չըկա, մարդու ոտ չըկա  
և ոչ մի նշան մարդկային կյանքի:  
Ճանապարհ չկա ու վերելք չըկա.  
հավքը իր թևով, օձը իր պորտով  
այնտեղ չի հասնի, այնտեղ չի սողա:  
Ու հարյուր տարին ժայռը մի անգամ  
կյանք էր ստանում ու կյանքը ետում.  
շքեղ Կովկասի ամեն կողմերից  
սեգ արծիվները երան առ երան,  
հավաքվում էին ժայռի բարձունքին,  
որ ամբողջ ցեղով ընտրեն նոր արքա:  
Այդ էր օրենքը հին-հին դարերի,  
սեգ արծիվների, արծիվ պապերի:

### 2

Այդպես, մի օր էլ, լուսաբացի հետ,  
արծիվներն եկան, իջան էն ժայռին  
ու ամեն մինը մի որս էր բերել,  
տոնի առիթով էն ժայռի գլխին:  
Եկավ և ահա նրանց ծեր արքան,  
եկավ ու իջավ էն սարի ծայրին:  
Սեգ արծիվները՝ ահել ու ջահել  
թռան տեղերից, պտույտներ արին,  
պտույտներ արին, նստեցին ժայռին  
էդպես հարգեցին իրանց արքային:  
Նստել էր գահին ծեր արծիվ արքան,  
նստել էր, նայում իր ժողովրդին,  
աչքերը խոշոր, բիբերը մարած,  
բայց էլի հպարտ, հայացքը ահեղ,  
էլի կամքի տեր, էլի ուժի տեր:  
Ծագեց արևը բարձր Կազբեկից

ու «Արծվի ժայռը» վառվեց լույսի պես:  
Տխուր է, մռայլ ծեր արծիվ արքան,  
ինչպես իր տակի ժայռի կտորը:  
Իր վերջին օրն է: Եվ մի երկու ժամ,  
Է՛, մնաք բարով և՛ գահ, և՛ կյանք, դո՛ւք:  
Մռայլ և տխուր արքա արծիվը  
իր վերջին խոսքն է ասում իր գահից.  
– Իմ հարյուր տարին ես բոլորեցի,  
ապրեցի պատվով, իմ ցեղի պատվով,  
երբեք ես չիջա գահիս բարձունքից,  
ազատ ծնվեցի, պատվով ապրեցի,  
ազատ ապրեցի, ազատ կըմեռնեմ:  
Ինձանից հետո նորընտիր արքան  
թող ինձ հետևի, թող նա էլ ինձ պես  
սիրե իր գահը Կազբեկի վրա:  
Այդ է օրենքը անցած դարերի,  
սեզ արծիվներիս, արծիվ պապերիս:  
Հիմա ես ծեր եմ: Տեր ժամանակը  
իր տվածն ինձնից ետ է պահանջում.  
պակսել է լույսը կանթեղ աչքերիս,  
թափել-ընկել է թև ու թռիչքս,  
մի նոր թագավոր ընտրեցեք իմ տեղ,  
թող երկար ապրի, մի հարյուր տարի,  
իր թախտովն ապրի, իր թախտովն ապրի:  
Սեզ արծիվները ամեն կողմերի՝  
Արգունյան, Կյուրյան, Դարգինյան, Անտյան,  
Կումիխյան և այլ սարի արծիվներ, —  
նստել են ժայռին հլու-հպատակ  
ու կախել իրանց սեզ գլուխները,  
լսում արքայի խոսքերը վերջին:  
Արքա արծիվը շարժեց գլուխը  
և երեք անգամ ծանր բարևեց  
սեզ արծիվներին, ու արծվի նման  
թռավ գահիցը: Շրջաններ գործեց  
անդունդի վրա ու հետզհետե  
դեպի վեր, բա՛րձր, բա՛րձր ամպերը:  
Նրա հետևից երամ առ երամ,  
ինչպես մի անվերջ, երկարուն շղթա,  
բարձրացան արծիվ արծվի ետևից:  
Արքան սլացավ, մի վերջին թափով  
ճախրեց, սավառնեց և տխուր հայացք  
զցեց վերևից մերկ-մերկ ժայռերին,  
որոնց գագաթին՝ իր գահն է եղել:  
Մեծափառ սարը, – շքեղ Կազբեկը,  
պեծին էր տալիս, աչք շլացնում —  
խոր-խոր ձորերը, անտեր, անանուն,  
անտակ, անհատակ, անչափ և անհուն:  
Մի հետ էլ արքան գերվեց Կազբեկով.  
– Դու, հզոր Կազբեկ, դու մնաս բարով,

և՛ դուք, իմ սարեր, սեգ արծվի սարեր,  
և՛ դուք, անհանգիստ գյուղական տներ՝  
դուք պետք է մնաք ձեր տեղը անշարժ,  
ես պետք է գնամ ձեզանից կարոտ:  
Ես սավառնում եմ, ճախրում ձեր գլխին,  
բայց իմ գլխին էլ՝ մահը սևադեմ...  
Ու արծիվ արքան մխվեց ու մնաց  
բարձր օդի մեջ, աչքը իր գահին,  
ու այն բարձունքից, թևերը ծալած,  
ծանր քարի պես ընկավ վերևից  
իր գահի վրա, ժայռի քարերին:  
Կարմիր արյունով ներկեց իր գահը.  
մարմինը ընկավ անտակ անդունդը,  
և փետուրները ցիր ու ցան եղան:  
Այդ է օրենքը հին-հին դարերի,  
սեգ արծիվների, արծիվ պապերի:

### 3

Մի աղմուկ, շփոթ բարձրացավ օդում,  
սարեր ու ձորեր արձագանք տվին,  
սեգ արծիվները կրողացին վշտից  
ու իջան նորից պապական ժայռին,  
իջան, որ ընտրեն իրենց նոր արքա:  
– Ո՞ւմ պետք է նրանք թագավոր ընտրեն:  
– Ով որ ուժեղ է, ով որ հաղթական,  
ով որ այդ օրը մեծ որս է բերել:  
Այդ էր օրենքը անցած դարերի,  
սեգ արծիվների, արծիվ պապերի:  
Որսերը շատ են ու տեսակ-տեսակ,  
սարի այծյամներ, սիրուն ջեյրաններ,  
ճերմակ կարապներ. շեկլիկ փասյաններ,  
ջահել կխտարներ և նապաստակներ:  
Բայց դրանք ոչինչ. կա մի ուրիշ որս,  
դա ոչ այծյամ է, ոչ սարի ջեյրան,  
ոչ ջրի կարապ, աղվես, նապաստակ:  
Դա մի սնունդ է չորս-հինգ տարեկան.  
նրան բերել է Անտյան լեռներից  
մի ջահել, կարող, մի հզոր արծիվ:  
Մեջքը տվել է նա «Արծվի ժայռին»  
Ու թույլ կոներով հա՛ պաշտպանվում է,  
անձնատուր լինել նա չի ցանկանում:  
Հայացքը ազդու, մի մահ, մի սարսափ,  
սարսափ է ընկել արծիվների մեջ.  
նա մի կորյուն է, ասլան բալասի,  
իրանց սարերի նման վայրենի:  
Վերջապես ո՞ւմն են ընտրում թագավոր.

– Ով որ հզոր է, ով որ հաղթական,  
ով որ այդ օրը մեծ որս է բերել:  
Այդպես էր կարգը հին-հին դարերի  
սեզ արծիվների, արծիվ պապերի:  
Արքա ընտրեցին մանկան բերողին  
թեև մի եղնիկ մեծ էր մանուկից:  
– Մարդն է, ասացին, աշխարհի արքան,  
արքայի արքան՝ հզոր արծիվն է.  
մարդուն բերողը թող լինի արքա:  
Կեցցե մեր արքան, մեր արծիվ արքան,  
իր հարյուր տարին թող նա բոլորի, —  
կողացին ժայռի սեզ արծիվները,  
մանկան բերողին ընտրեցին արքա:  
Եվ սեզ արծիվը բազմեց իր գահին  
Պետք է գոհվեին բոլոր որսերը,  
դարագլուխ էր և նոր ընտրություն.  
մարդու որդին էլ գոհերի մեջն էր,  
անբիծ արյունը հոտ պետք է բուրեր,  
սպասում էին՝ ինչ կասի արքան:  
– Իմ սեզ արծիվներ, թող Կագբեկ սարը  
հաստատուն մնա մեր գահի գլխին  
երբեք ու երբեք թշնամի մարդը  
մտքով էլ չհասնի արծվի թռիչքին,  
թող «Արծվի սարը» անասասան մնա,  
մարդը ի՞նչ է որ, թև-թռիչք չունի,  
գետնին է կպել, հայացքը ներքև,  
թող մարդու որդին, իմ բերած գոհը,  
իր աչքով տեսնի մեր սուրբ հանդեսը.  
գոհեցեք գոհեր, թող ալ արյունը  
խնկի պես ծխա մեր գահի շուրջը,  
ես էլ իմ գոհին վերջը կգոհեմ:  
Աչքերը փայլուն և նրա սիրտը  
կառնեմ ինձ բաժին, կկտցահարեմ.  
միսն ու արյունը, իմ սեզ արծիվներ,  
ձեզ «Արծվի գահից» համեցեք կաննեմ:  
Դեհ, սկսեցեք... Դեռ խոսքը բերնում,  
հանկարծ օդի մեջ մի բան կայծակտեց,  
վզգաց սուր նետը, նետը կուրորեն  
եկավ արքայի լայն կուրծքը ծակեց  
վիրավոր արքան դես-դեն թայրտաց,  
երեք-չորս անգամ գցեց թևերը,  
որ նորից թռչի բարձր ամպերը,  
թռավ ու ընկավ արքան անդունդը  
ու իր խորհուրդը տարավ իրան հետ:  
Ռ՞վ էր՝ սպանեց արծիվ արքային.  
դա մի որսորդ էր, այն մանկան հայրը,  
կրակ էր թափել նրա սրտի մեջ,  
իր սերը չըկար, իր սիրտը չըկար...  
Գագագած ելավ, առավ նետ-աղեղ.

– Ո՞րտեղ ես, Կազբեկ, դիք-դիք ժայռերդ  
ձեռքով մագլցեմ... մինչև չըգտնեմ  
կորած կորյունս, չերևամ մորը:  
Ասավ որսորդն ո՛ւ դեպի Կազբեկ:  
Հայրական սերը չըգիտե արգելք,  
գտավ նա ճամփա, գտավ նա վերելք,  
գնաց ու հասավ էն «Արծվի ժայռին»,  
տվվեց-սպանեց արքան իր գահին:  
Մեզ արծիվներին, ցիր ու ցան արավ,  
ագատեց մանկան, բերեց Կազբեկից:  
Այն օրվանից դես՝ այն էր ու այն էր,  
Էլ արծիվները չունեցան արքա.  
բայց «Արծվի ժայռը», ամպին հարևան՝  
շքեղ Կազբեկի գլխին կա ու կա:

## ՀՈՂԱԾԻՆԸ

Կովկասյան ավանդություն

Մեռավ ծեր արքան. արևը քաշխեց  
Մի հատիկ որդուն: Կինը նրա տեղ  
Գահը քարձրացավ, երկըրին իշխեց:  
Որդին մեծացավ թոչնի պես անմեղ,  
Անհոգ ու անփույթ շքեղ պալատում.  
Բայց երբոր եղավ տասը տարեկան,  
Լացեց ու ասավ. «Մայրիկ, ինձ ասա  
Ո՞ր է հայրիկս, ես հայրիկ չունե՞մ»:  
– Բո հայրը, որդիս, վաղուց մեռել է:  
– Ասա ինձ, մայրիկ, մեռնելն ի՞նչ բան է:  
– Մեռավ քո հայրը հողում թաղեցին:  
– Հողում թաղեցի՞ն, էլ ետ չի՞ գալու,  
– Ոչ, ոչ, էլ երբեք, էլ նա ետ չի գա,  
Մենք էլ կմեռնենք, կթաղեն հողում,  
Բոլորիս վերջը մահն է, իմ որդի:  
– Ինձ է՞լ կթաղեն, չեմ ուզում, մայրիկ,  
Չեմ ուզում մեռնել ու հողում թաղվել,  
Այնպիսի երկիր ես պետք է գնամ,  
Որ մահ չլինի, մարդը չմեռնի.  
Ես էլ չմեռնեմ, հողում չթաղեն,  
Հողում չթաղեն, վրաս հող չածեն:  
Ու թողեց գահը ու թողեց թագը,  
Թագուհի սորը, հայրենի երկիր,  
Վեր կացավ, գնաց հեռու, տարագիր:  
Գնում էր... Գնաց... Ու անվերջ գնաց,  
Տարիներն անցան իրար ետևից,  
Աշխարհ ման եկավ, մի տեղ չըմնաց,  
Որ Ռոստոմը ոտը չըղներ:  
Ամեն տեղ մարդն էր մահին ենթակա,  
Մորից ծնվածը մայր հողն էր մտնում:  
Մարդը բնակություն թողեց ու անցավ,  
Գուրս եկավ, գնաց չոլ ու անապատ:  
Լա՛յն, լա՛յն հորիզոն, կապուտա՛կ երկինք...  
Ո՛չ մարդ, ո՛չ գազան և ոչ էլ թռչուն:  
Գնում էր... Գնաց... Տեսավ եղջերուն  
Չոքել է՛ գետնին գլուխը կախած,  
Պոզերի ծայրը ամպերի միջին:  
– Բարով, Ռոստոմ, – եղջերուն ասավ, —  
Ո՞րտեղից կըգաս և ո՞ր ես գնում:  
– Այ չոլի եղնիկ, – ասաց Ռոստոմը, —  
Ես մի այնպիսի տեղ եմ որոնում,  
Որ մահ չլինի, մարդը չմեռնի,  
Ես անմահ մնամ, հողում չթաղեն:

– Այ շահել, ջիվան, – եղջերուն ասավ  
Չկա այնպես տեղ, որ մահ չլինի,  
Ամեն տեղ մարդն է մահին ենթակա,  
Ով որ ծնվել է, նա էլ կմեռնի:  
Ես էլ եմ վաղուց մահին սպասում,  
Կարոտ եմ մահին, նա չրկա՛, չրկա՛,  
Երբ իմ պոզերը հասնեն երկնքին,  
Նոր վերջ կտրվի իմ տաղտուկ կյանքին:  
Կա՛ց, կա՛ց դու ինձ մոտ, մահը ուշ կգա,  
Մահը ուշ կգա , կաց ու ծերացիր:  
Կա՛ց ու ծերացիր, կյանքից ձանձրացիր:  
– Մեռնել ուզեի՝ ես չէի թողնի  
Թագուհի մայրիկ, պատիվ, գահ ու թագ.  
Ես ապրել կուզեմ, շարունակ, անվերջ, —  
Ասավ Ռոստոմը, վեր կացավ գնաց:

Գնում էր... Գնաց... Էլ հեռու, հեռու,  
Վերից արևն էր այրում, տապակում,  
Ետևն անապատ, առաջին սարեր,  
Գնաց ու գնաց բարձրացավ մի սար,  
Սարը հո սար չէր. ամպերը գլխին,  
Գագաթին սուր-սուր ու դիք-դիք ժայռեր.  
Վերից նայողը տակը չէր տեսնում,  
Տակը մի անդունդ, մի խոր խորխորատ:  
Բարձրացավ սարը, տեսավ գագաթին  
Արծիվն է նստել մռայլ ու անհույս.  
Արծիվն է նստել ու իր կտցովը  
Խփում է ժայռին, փորում է ժայռը:  
– Բարով դու, Ռոստոմ, դու հագար բարի,  
Ռ՛րտեղից կըգաս և ո՛ր ես գընում, —  
Ասավ արծիվը մռայլ ու անհույս:  
– Այ հզոր արծիվ, – ասավ Ռոստոմը, —  
Ես մի այնպիսի տեղ եմ որոնում,  
Որ մահ չլինի, մարդը չըմեռնի,  
Ես անմահ մնամ, հողում չթաղեն:  
Մտքի տակ ընկավ հսկա արծիվը.  
– Այ շահել-ջիվան, – ասավ Ռոստոմին, —  
Ամեն կենդանի, որ օդ է շնչում՝  
Նա պետք է մեռնի, վերջը հող դառնա:  
Ես որ արծիվն եմ խիզախ ու հսկա,  
Ես էլ եմ նույնպես մահին ենթակա.  
Բախտն է որոշել, որ ես էլ մեռնեմ,  
Բայց իմացիր՝ ե՛րբ. երբ փոսը լցնեմ,  
Այ էս անդունդը, որ աչք չի կտրում:  
Եվ գիտե՞ս ինչով, մանր քարերով,  
Որ պետք է կտցով պոկեմ ժայռերից  
Եվ իմ պոկածը, ասեմ, օրական  
Մի ընկույզի չափ քար պետք է լինի:  
Կաց ինձ մոտ, Ռոստոմ, մահը ուշ կգա,

Մահը ուշ կգա. կաց ու ծերացիր,  
Կաց ու ծերացիր, կյանքից ձանձրացիր:  
– Մեռնել ուզեի՝ ես չէի թողնի  
Թագուհի մայրիկ, պատիվ, գահ ու թագ,  
Ես ապրել կուզեմ անընդհատ, անվերջ: —  
Ասավ Ռ-ոստոմը, վեր կացավ գնաց:

Գնում էր... Գնաց... Տաս տարին անցավ,  
Էլ տեղ չթողեց, որ նա ման չգար.  
Ցամաքը պրծավ, երկրից դուրս ելավ,  
Գնաց ու հասավ մի խաղաղ ծովի:  
Թափանցիկ ծովը հայելու նման  
Ձգվել, փռվել էր հեռու ավերում:  
Մեղմիկ ծփանքով, փրփուր ալիքով  
Գնում, գալիս էր օրոր ու շորոր:  
Բայց հեռո՛ւն, հեռո՛ւն, որտեղ երկինքը  
Ջրերի վրա կապել էր կամար,  
Լուսեղեն հովտում, լագուրի միջին,  
Մի բան էր լողում, պեծ-պեծին տալիս:  
Գերվեց Ռ-ոստոմը. հոգով թռչում էր...  
Ու դեպի հեռուն, դեպի լագուրը,  
Դեպի անհայտը, դեպ անմահություն,  
Ապրել ու ապրել, հավիտյան ապրել,  
Ու ծովին պատեց մի ախորժ մշուշ,  
Ափին մոտեցավ մի գմբուխտ պալատ,  
Պալատի միջից խոսեց դիցուհին.  
– Դու ի՞նչ ես ուզում, այ մարդ հողածին:  
– Օ, իմ պաշտելի, չգիտեմ ո՞վ ես,  
Ես քեզ եմ փնտրում, դեպի քեզ ձգտում,  
Շատ եմ ման եկել, հագիվ քեզ գտա:  
– Դու որոնում ես անմահությունը,  
Այո՛ , ես կյանքն եմ, գերագույն կյանքը,  
Ինձ հետ ապրողը անմահ կմնա,  
Կյանքը իմ մեջն է, մահը ոտիս տակ:  
Ստեղծագործման առաջին օրից  
Ես այսպես թարմ եմ, ու կրմնամ էսպես,  
Աշխարհը որ կա, ինձ է պարտական...  
Գիտե՞ս ով եմ ես, «Գեղեցկությունը»:  
Կյանքը իմ մեջ է, մահը՝ ոտիս տակ:  
Դու հող ես, այ մարդ, հողին պարտական,  
Հողն իր տվածը նորից ետ կառնի.  
Հողը մի ուժ է, դու պետք է մեռնես:  
Բայց դու կաց ինձ հետ, քանի ինձ մոտ ես,  
Անմահ կմնաս. մահն ինձ մոտ չի գա:  
Ու ապրեց Ռ-ոստոմն, ապրեց նոր կյանքով  
Ու կյանքը հեքիաթ ու կյանքը երագ...  
Կյանքը հոսում էր երագի նման,  
Գեղեցկությունը շքեղ երագ էր,  
Ժպիտը՝ շքեղ, կարմիր արշալույս,

Ծով ծով աչքերը՝ ցնորքի աշխարհ,  
Մի լուսնյակ գիշեր՝ ցուրն աստղերով,  
Մի անհուն երկինք՝ ոնց սերը անբիծ:  
Արևն էր ծագում նրա աչքերից,  
Կենսատու շունչը՝ անձրևն էր ծաղկանց,  
Գլխի պսակը՝ յոթ գույնի աղեղ:  
Դա մի երազ էր, մի շքեղ երազ  
Ու կյանքն էր հոսում երազի նման:  
Հագար ու հագար տարիներ անցան  
Ու հագար տարին՝ հագար ակնթարթ:  
Բայց հոգին չունի, չունի՛ հագենալ,  
Որ նա կարոտեց, հանգիստ չի կենալ:  
Զարթնեց Ռոստոմը շքեղ երազից,  
Գեղեցկության հետ նա այսպես խոսել.  
– Մի կարոտ ունիմ, սրտամաշ կարոտ...  
Ես կարոտել եմ անուշիկ մորս,  
Ազգականներիս, իմ հայրենիքին,  
Իմ հայրենիքին, օդին ու ջրին,  
Ծառին ու ծաղկին, շաղին ու շողին,  
Սարին ու ձորին, դաշտին ու հողին:  
Տասը տարի է, որ հեռացել եմ.  
Ես կարոտել եմ. կարոտն է մաշում,  
Կարոտն է քաշում. թույլ տուր ես գնամ  
Մի տեսնեմ նրանց, դարձյալ գամ քեզ մոտ:  
– Ես լավ գիտեի ուժը մայր հողի,  
Մարդը մահինն է, մահը՝ մարդունը.  
Էսօր թե էգուց մարդը կմեռնի.  
Մայր հողն է կանչում, մահվան կարոտն է,  
Որ քեզ քաշում է դեպի գերեզման,  
Գն ա ու մեռիր պապերիդ նման:  
Բայց անե՛ հագար, հագար տարի է,  
Որ դու ապրում ես գեղեցկության հետ:  
– Հագար տարի՞ է, թե՞ մի ակնթարթ.  
– Կերթաս, կիմանաս: Ես երկու ծաղիկ  
Կրտամ քեզ նվեր՝ ալ ու սպիտակ.  
Ապրել ուզենաս՝ ալից հոտ քաշիր,  
Մեռնել ցանկանաս՝ սպիտակ ծաղկից.  
Է, մնաս բարով, քեզ բարի ճամփա:

Կարոտը սրտում, կարոտ յուր մորը,  
Թե՛ն առած կըգա կարոտ Ռոստոմը.  
Սարեր ու ձորեր, անտառ, անապատ  
Կարում անցնում է կարոտած որդին.  
Գալիս է հասնում նա արծվի սարը:  
Վայ, ու՞ր է անդունդ, ու՞ր է խորխորատ,  
Չկա, լցված է, հարթվել ու կոկվել.  
Ժայռ քարի վրա արծիվն է նստել,  
Արծիվն է նստել՝ գլուխը կախած,  
Թևերը թափած, անշարժ ու անշունչ:

Ռոստոմը կպավ հսկա արծիվին.  
Ու արծիվն իսկույն իրարից եղավ,  
Չոր փոշի դարձավ ու թափվեց գետին:  
Գալիս էր... եկավ ու ճամփի միջին  
Ծանոթ եղջերվին նա նորից տեսավ.  
Սուր, սուր պոզերը երկնքին հասած,  
Ու գանգը փշուր, փշուր էր եղել:

Թախիծը պատեց ճամփորդ Ռոստոմին,  
Միրտը վառում էր ներքին կարոտը.  
Օր առաջ կուգեր նա մորը տեսնի,  
Օր առաջ կուգեր հասնի հայրենիք:  
Ահա վերջապես և հայրենիքը —  
Նույն հովիտ ու դաշտ, նույն գյուղ ու քաղաք,  
Առաջվա նման ջրառատ գետեր.  
Բայց մարդն էր փոխված, հագուստը էն չէր,  
Այն նիստ ու կացով, բարբառը ուրիշ,  
Լեզուն անձանոթ ու ինքը օտար:

Գալիս էր... Եկավ... Այ և սարերը,  
Ե՛վ ժայռ, և՛ քարափ, ամեն մի բլուր  
Ծանոթ է իրան մանուկ օրերից.  
Բայց ո՞ր է իր մոր նստած քաղաքը.  
Ու՞ր է հայրենի շքեղ պալատը,  
Պալատի տերը, – թագուհի մայրը,  
Որ գիրկը ընկնի, կարոտը առնի,  
Կարոտը առնի և էնպես ապրի:  
Շուրջը ավերակ. դեղին մամուռը  
Ելել ծածկել է քարակույտերը՝  
Քաղաքը շեն չէ. քաղաքն ավեր է.  
Թե ե՞րբ է քանդվել, ինացող չկա,  
Ավերակներում, մի քարի վրա  
Նստել է մի ծեր ու աղոթք անում:  
– Ասա ինձ, ծերուկ, – Ռոստոմը ասավ, —  
Ե՞րբ է ավերվել այս շեն քաղաքը.  
Ու՞ր է թագուհին, ի՞նչ է պատահել,  
Չէ՞ որ դու նրան լավ ես ճանաչում.  
Նա իմ մայրս է, ես՝ նրա որդին.  
Դու լավ ես հիշում, թե ինչպես մի օր  
Թողի իմ մորը, ելա, գնացի,  
Որ մահից փրկվեմ, ապրեմ ու ապրեմ,  
Իսկի չմեռնեմ, հողում չթաղեմ:  
– Ինչե՞ր ես խոսում, այ դարիք ախպեր,  
Ես երբեք այդպես բաներ չեմ հիշում.  
Քո ասածները անցած բաներ են  
Ու քանի հազար տարի է անցել.  
Ես էլ դեռ մանուկ հորիցս եմ լսել. —  
Մի թագուհի է ապրելիս եղել,  
Նրա միմուճար աչքի լույս որդին

Թողել է մորը, գնացել, կորել  
Դա եղած բան է, բայց շատ հին բան է...  
– Էլ ինչո՞ւ ապրեմ ու կարոտ քաշեմ...  
Կյանքը իմ հոգուն հագուրդ չի տալիս,  
Իմ մայրը այստեղ մահով է մեռել...  
Ես պետք է գնամ իմ մորը գտնեմ,  
Մահն էլ մի կյանք է ուզողի համար,  
Մահի թևերով կարոտս կառնեմ:  
Մահը թող տանի ինձ իմ մայրիկիս,  
Գուցե խաղաղվի փոթորկված հոգիս.  
Ես մահն եմ ընտրում, հանգիստ եմ ուզում,  
Վարարած գետ եմ, մայր ծովն եմ հոսում: —  
Ռոստոմն ասավ ու հանեց մոտի  
Սպիտակ ծաղիկը, հոտոտեց նրան,  
Հոտոտեց նրան ու ընկավ մեռավ:  
Վեր կացավ ծերը, գերեզման փորեց,  
Հողի մեջ թաղեց, վրան հող ածեց:

## ՀԵՔԻԱԹՆԵՐ

### ԽՈՒԼԻ ԱՅԾԵՐԸ

Մի խուլ մարդ երեք այծ ուներ: Մեկի պոզը կոտրած էր: Ինչպես է լինում, մի օր այծերը կորչում են: Տերն ընկնում է դեռ-դեռ այծերը գտնելու:

Նա պատահում է մի ուրիշ խուլ մարդու՝ վար անելիս, և հարցնում է.

– Բարի աջողում, ախպեր, այծերս չե՞ս տեսել:

– Լավ է՝ այսպես ցանեն, – ձեռք մի կողմ թափ տալով պատասխանում է վար անողը:

Այծատերը կարծելով, թե դեպի ցույց տված կողմն են գնացել այծերը ասում է.

– Թող երկինքը վկա լինի, թե գտա այծերս, պոզը կոտրածը քեզ են տալու:

Ասում է և գնում այծերը որոնելու: Այծերը գտնելով՝ ուրախ-ուրախ առաջն արած, քշում քերում է արտավարի մոտ և ասում.

– Շնորհակալ եմ, ախպե՛ր, այծերս գտա. առ այս այծն էլ քեզ, – ու պոզը կոտրած այծը քշում է դեպի նա:

– Ես չեմ կոտրել դրա պոզը, ես տեղեկություն չունեմ, – զարմանքով ասում է արտավար խուլը:

– Ի՞նչ ես խոսում, – ասում է այծատերը, – ես ա՛յս այծն եմ խոստացել, որ մենեն էլ՝ մյուս այծերից տվողը չեմ:

– Չէ, ես չեմ կոտրել, – բարկացած ասում է մեկը:

– Չէ, ես է՛ս այծն եմ խոստացել, – կրկնում է մյուսը:

Սա նրան, նա սրան, բանը հասնում է տուրուդմբոցի: Վերջն էլ գնում են քոխվի մոտ գանգատ: Գյուղը չհասած սրանց հանդիպում է մի պառավ կին, նույնպես խուլ և հարսի ձեռքից փախած:

– Ա՛յ նանի, – ասում է այծատերը, – իմ այծերը կորել էին. գնացի, էս մարդուն հարցրի, սա էլ այծերիս տեղը ցույց տվեց: Պոզը կոտրած այծս տալիս եմ սրան, չի վերցրնում, ես է՛դ այծն եմ խոստացել, որ մեննի էլ, մյուս այծերից տվողը չեմ:

– Ա՛յ նանի, – ասում է խուլ մարդը, – էս օտարականն եկել ասում է, թե այծիս պոզը դու ես ջարդել: Թող ձեռքս ջարդվի, թե ես էդ բանից տեղեկություն ունեմ:

– Է՛, որդիքս, ձեր արևն ապրի, – պատասխանում է խուլ պառավը, – ինչ էլ ուզում է լինի, ես ձեր խնդիրը չեմ կարող կատարել. քանի որ էն չքոտ անզգամ հարսը տանն է, ես էն տունը ոտ կոխողը չեմ ու չեմ:

## **ԿԱՏՈՒՆ, ԱՔԼՈՐՆ ՈՒ ԱՂՎԵՍԸ**

Լինում է, չի լինում սի ծեր մարդ է լինում: Այդ ծեր մարդն ունենում է սի կատու և սի արջոր: Ինքը լինում է փայտահատ: Ամեն օր գնում է անտառ փայտ կտրելու:

## **Конец ознакомительного фрагмента.**

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.